

廣雅書局

民國佛敎期刊文獻集成


任繼愈題



# 民國佛教期刊文獻集成

任繼愈題

第 15 卷



世界佛教居士林刊

中國書局

世 累 佛 敦 居

土

林

林

干

居

中元景寅花朝野集觀

## 本林啓事

(一) 本林新林所已於去年十月初三日淨壇動土開工准

今年三月底完工辱荷

諸仁者鼎力贊助慷慨佈施始能有此成績凡屬同人

莫不感幸本林印有林所開幕紀念刊一冊如蒙索閱

乞示知當即寄上

(二) 本林代理日本一切經刊行會出版新修大藏經詳見

本期廣告幸閱者注意

(三) 本林前向醫學書局預約之佛學辭典數十部早已照

原價讓罄而請取者仍紛至沓來不得已乃商之該局

丁仲祜居士承允照原價減去二元以十元讓與本林

同志(外埠加郵費四角)藉宏佛化查該書考據精

詳搜羅廣博蔚然爲大小乘一切經之總註共十六厚

冊一千七百餘頁與甲種辭源相彷彿欲購者務請從

速以免向隅

## 本林編輯處啓事



(一) 本刊蒙海內佛學家紛紛賜稿感謝莫名本期尙多不及刊入之稿容後期陸續發表以副宏法之盛意

(二) 本林收支款項及其他林務報告於丙寅夏季另

行本專贈本林林友及捐款者以昭大信

(三) 本林最近出版各書如下

世界教育示準 唐大圓編 每冊一角

佛學寓言 胡寄塵編 每冊五分

楞嚴經合刊 李榮祥編 每冊四角半

唯識易簡 唐大圓編 每冊一角

(四) 本刊第一至第四期已早告罄茲特重印第一二期及

第三四期合刊各一本每本定價大洋二角半業已出

版幸希注意

# 世界佛教居士林林刊第十二期目錄

## 圖像

本林林董攝影

本林第三屆職員攝影

## 理論

佛法今後之樂觀及教義之決擇

說斷除習氣

物由心變說

釋疑論

佛光社大會演詞

江口彌陀寺演說詞（彌陀與地方之關係）

破迷篇

## 著述

法苑義林章唯識章注（續）

法相唯識學概論綱目（未完）

## 講演

法相唯識學概論

太虛法師講

李榮辨記

## 傳記

佛教東來及奉佛建佛考

劉述庭

楊柳君居士傳

胡蒙子

李母張太夫人八徵圖

圓瑛

先妣祥遊誌略

沈彭齡

## 志林

本林重訂之組織綱要（丙寅歲二月重訂）

北京居士林宣言 王興揖代撰

唯識之淨土 太虛法師講 王錫光記

中國信願行淨土與日本教行信證真宗 太虛法師講 王錫光記

江口彌陀寺演說詞 孫宸

江謙

佛教東來及奉佛建佛考 劉述庭

楊柳君居士傳 胡蒙子

圓瑛

李母張太夫人八徵圖 沈彭齡

竹林精舍暫行章程

中華佛教精進會簡章

莆田佛教聯合會簡章

創設華藏經教院大綱

## 文苑

贈佛光社諸善人.....印光

佛光社開大會頌詞.....印光

勸戒殺放生徵求同志文.....駱季和

讀晴舟行述書後.....王蓮航

海門西方寺宣講三昧水懺小引.....優婆塞心印

福建祈福和平水陸道場疏引.....優婆塞陳壽琳

大雲月刊社祝詞.....本林編輯所

寓江口彌陀寺隨班念佛有感.....孫宸

三十自歌.....張宗載

阿里山頂放歌（并序）.....張宗載

集夢東師語輓汪蘭皋.....廉南湖

傀儡詠.....小瀛壺仙館

無題

## 通信

徵求諦老法師著述語錄啓

福建全省祈福大會上圓瑛法師啓

蔣特生答祝晉封書

嘿庵法師勸友人學佛書

謝吟雪致海內諸大賢知識書

三蓮女居士致謝吟雪女居士書

問兜率欲界及蓮花化身書

復兜率欲界及蓮花化身書

## 雜俎

法身色身異同答人問.....王恩洋

記融通法師開示語.....雲台

肘化新軍人.....王慧保

印送觀音靈異紀之應驗.....翟文選

信佛感言.....明慧

內外因果之研究.....妙空

缺名

集

上

中


下

右

士林大春麗池




1. 士林大成殿



士林大廟步道



影攝二號圖本



# 理論

## 佛法今後之樂觀及其教義之抉擇

曼殊揭諦法師講演

萬流競奔，終滌匯於巨海，千椽齊豎，必結構爲巍宮。環顧今後之佛法，爲若何之趨勢乎？實現今環球羣倫崇拜，東亞諸賢努力建設之秋也。夫研考三乘、光明二諦，就真諦言，則一切諸法皆無自性，無生無滅，本來寂靜，自性涅槃。是故如來若出於世，若不出世，法體不滅，法性常住，就俗諦言，則如來爲一大事因緣，出現於世，無漏有爲，成辦所作。是故一切諸法，義從緣生，三世宛然，因果不壞。撫今日之佛法，溯過去之陳迹，歷史沿革，不無興感。以中華言，大化肇基，適當漢平之紀。自是而後，西竺龍象，接踵來華。譯箸闡揚，法雨遍周。雖五代及隋，國變紛更，而大乘之業，始終炳煥。然猶是基礎之雛形，而未臻乎美備之大觀也。唯我大唐三藏玄奘法師，應運勃興，誕自隋末，以天縱之英傑，探教海之元珠，疑義紛披，稟承無自。乃於唐初孤蹤西邁，身冒百險，終達聖域。蒞止那爛陀寺，研尋十有餘載，窮唯識十家之文，於勝軍居士受瑜伽百卷之義，於戒賢論師備悉。

諸乘鉤玄摘要。業成返國。唐主崇法。大啓譯場。就西來經商確華梵。集海內之名宿。闡聖言之真量。更正舊譯之疵謬。補完大經之闕遺。法嗣窺基。秉筆親承。發弘光大門下。若慧沼智周輩。讚述闡揮紹繼不絕。成超前軼後之偉業。爲震古爍今之大觀。是故譯義精確。厥唯奘門之手筆。析理淵微。實賴慈恩之遺箸。良由世尊滅後一千一百餘稔。由那爛陀寺而爲西竺集佛法之大成。那爛陀寺之學派。又由大唐慈恩演譯。而爲東土集佛法之大成者也。然則中國佛法之盛。實以唐代爲最極。雖前有智顥之台教。後有法藏之賢宗。所謂燭火不逮日月之光。布鼓難齊雷門之響者矣。暨乎密教入唐。則當天寶開元之際。如金剛智不空三藏諸阿闍梨。實以那爛陀寺爲其母校。悉出戒賢門下。謂其爲奘師之同學。後輩均無不可。彼皆精於法相唯識教理。是故講授密乘。翻譯秘典。多用唯識法相名詞。卽一行禪師大日經疏各著。亦以唯識法相義演譯詮釋。於時上自帝王下及臣庶。無不受三昧耶戒。登灌頂壇者。吁。中華有唐一代佛法之盛。直可謂顯密並耀。性相同光者矣。而中日之睦誼。亦當以唐時爲最隆。慨自貞觀垂統以來。東瀛派赴長安留學者。繹絡不絕。初則研習唯識法相。亦有兼學禪淨兩門。及台賢諸宗者。日本所傳之入唐八家。正是此時。訖開元天寶間。及肅宗代宗諸朝。而東瀛學者。乃注意於密乘。有弘法大師者。大唐青龍寺。

慧果大阿闍梨之入室弟子也。留學中國將及兩稔。造詣宏深。歸國而後。以高野爲傳密道場。靈瑞所感。朝野咸尊。蓋其學識之博大。實得密教之妙旨。直紹大日本尊法統。而爲八代之祖。因緣際會。良非偶然。是則日本佛法之興。及以國運之隆。實親沐中華之文化。而爲建立之根本者也。唐祚鼎革。幾經變亂。以迄於宋。此時佛法雖不及唐代之盛。而餘響未光。尙耀寰宇。是故永明演宗鏡。多引慈恩之文。賢護天息災等。猶譯密教之經。自茲而後。漸就衰微。良由禪淨兩派。風行海內。羣畏多文廣義之篇。競趨儕侗顛頽之習。此非禪淨兩門之咎。實以不善學者。狃於一偏之見。狹劣自封。不求多聞。或執一法。互相是非。此則佛法之衰。恐彼貌禪僞淨之徒。不能辭其咎也。夫禪學傳心。始於梁之達磨。蓮宗結社。創自晉之慧遠。本爲中國佛法歷史上兩大特色。其最有價值。可想而知。假令後世而有古賢之宗說。兼通博究大乘。則佛法之興。正未有艾。烏得云衰。無如法久弊生。每况愈下。唐宋而降。徇名忘實。談禪者。執不立文字之說。以枯坐爲究竟。其狡黠者。甚至效顰語錄。搬弄機鋒。裝模作樣。自稱徹悟。談淨者。執帶業往生之見。以十念爲能事。其偏妄者。甚至反對修觀。不行六度。散心無慧。以求生西。緇流則羣入啞羊之列。白衣又競尙清談之弊。雖有龍藏。束之高閣。於是。有唐一代。慈恩譯箸之聖典。不唯講求無人。而經論亦散佚無存矣。至於

密教之衰。則由明祖弘武詔禁開壇而法脈遂斬。此皆中華佛法之最大不幸。慨自明初以迄清季。歷時五百餘年。不可謂非剝極否塞之秋也。

然則今後佛法之樂觀者何。夫剝極必復。爲世運之常規。而否終反泰。亦循環之定理。衆生業報不可思議。衆生善根亦不可思議。况中華之文化。開發最早。中華之佛法。亦熏染極深。自大法東漸以來。流衍二千餘載。其間大德高僧。名賢俊哲。遺風手澤。靈蹤異蹟。在在足徵。雖由衆生惡業所蔽。而佛日暫隱。亦可由衆生善根成熟。而聖教重光。如是則中華之菩提萌芽。安有久不怒茁之一日乎。儒者有言。人能弘道。非道弘人。五百年必有王者興。其間必有名世者。斯言也不僅爲彼儒者望治之測談。而實爲我中華佛法復蘇之龜讖也。自清季咸同年間。中國南京有楊仁山居士者。乘願再來。毅力弘誓。收集經像。鏤板流通。講學於金陵。捐第爲經房。至光緒中葉三十餘稔。中緇素問道。海內從風。而居士與日本南條文雄上人相友善。慈恩典籍之散佚者。則得之於上人之手。於是中國年久不存之成唯論述記。亦得流通海內矣。又得日本正續兩藏。及高麗等藏。而唐人之遺著。漸得尋繹其崖略。辛亥政變前。居士西歸。付囑刻經事業於歐陽竟。無居士繼述。無替進行。迄今中國各省之流通佛經者。不下數百餘處。而各處之研究佛法者。不下數

千萬人。是則中國內典之散亡者失而復得。未嘗不賴日本保存之功。中國佛化之衰歇者絕而復甦。又未嘗不由居士刻經之力也。登高一呼，衆山響應。縉紳分工，各極其能。民國十餘載以來，如火如荼。遞演遞進。由前之說，發軾伊始。由後之說，方興未艾。况自歐風美雨，震撼亞陸。天演進化之論興，而鬪爭屠戮之禍烈。物質文明，嗜慾之猛燄愈張。科學萬能，殺人之機械益巧。歐戰以還，餘痛未終。世界大戰，又將勃發。於是歐亞賢哲憂時之士，研尋真理，希蹤大同，銷彌殺機，挽救浩劫，謀人類之幸福，冀國際之安全。鑒彼徒恃科學之不足以救國也。始進而倡導哲學，又悟彼哲學之智識幼稚也。乃不得不羣趨於佛法之一途。蓋佛法者，甘露法門，無上醫王。而爲一切世界和平之真光，萬彙含生拯苦之良藥也。吾人而乏救世思想，無少分慈悲觀念，則已。苟其有之，而興憐憫衆生，拔苦與樂之願。若徒向外馳求，而捨大乘之佛法，則如緣木求魚，烏能爲功。今日全球萬邦，能具大乘佛法之根底者，則當以中日兩大國而爲其領袖。是故此次東亞佛教徒之聯合，萃羣賢於一堂。宛如世尊在日，靈山一會，雲集無量菩薩、海會聖衆，而爲法雷之震吼。而今而後，實行親善，互相提攜，各盡所長。法誼益隆，將來以東方文化而執歐西大陸文化之牛耳者，捨中日兩大國其誰與歸。此則曼殊對於今後佛法之樂觀，有無窮之希望者在也。

今日曼殊得與東亞諸大善知識相聚一堂。共謀佛化之進行。實爲無上榮幸。雖然曼殊對於今後佛法之樂觀。猶有數事報告本會諸仁者。其一則中國南京支那內學院之法相大學也。院長爲歐陽居士。本楊仁山親教弟子。而其所學則遠勝於師。蓋經廿餘寒暑之潛心探討。精修戒定。博究諸宗。而始達登峯造極之域者也。其創內院也。自民國七八年間。即發表宣言。至民國九年。即開研究班。海內英雋。負笈入院者實繁有徒。居士嘗對衆演說云。余內院之宗旨。以後後勝於前前方爲成功。又云。尙論古人。不被古人欺瞞。斯爲豪傑。自非過量人格。獨抒心得。不能有所發展。如云弟子所學僅等於師。或則十分之一二。尙不及師者。則內院不貴有此人才。噫斯言也。其育材之志願。與期望之宏深。正如世尊所謂一切衆生。我皆令入無餘涅槃而滅度之者也。歷年以來。雖積極進行。但以國難未靖。阻礙多端。擴充不廣。而海內之講求唯識法相學者。業已風從雲起。莫不景仰內院。爲獨續唐賢之正宗矣。內院除研習精深學理外。並附設刻經處。從事於大藏輯要。去歲及今。因緣時至。即建築校舍。添招法相大學新班。額定學名。而各省來學者。竟逾定額之半。蓋內院宗派純祖西竺那爛陀寺教理。專倡性相密三大宗。而旁研諸宗之要義者。也是則內院不僅爲中華佛法之唯一正法眼藏。而實爲世界佛化之唯一導引南針。有大貢獻於今。

之談佛學者也。如是則今後中國佛法之樂觀而可爲本會同仁報告者一也。

次則支那西南省分四川佛化之特色也。川省居長江上游。毗連藏衛地大物博古稱天府富庶之形冠於諸省。兼之寒燠適中風日清淑其間山嶽之雄秀河流之磅礴靈氣所鍾每產異才心思敏銳智巧並優濬發新知冒險勇進其對於佛法也喜究高深之玄理而厭庸淺之腐談故唯識法相之學最爲應機而又爲密宗二祖普賢菩薩應化之域如峨眉華鎣諸山靈蹤聖蹟奇妙難思岷山則青城八百餘里峯巒幻突秀出雲表琪花瑤草四序長春洵仙靈之寶窟神異之祕藏也其外名山勝地殆難縷數談玄尚道之儔高隱鍊形之士百家逞奇萬派分宗良由蜀道險絕交通隔礙兼以佛化衰敝正法難聞而高人奇士者流不得不借外道之學以寄託其幽玄玄妙之心思若以大乘妙義正法眼藏開示迷途則撥亂反正特指顧間事耳。晏殊川人也離省廿餘年從政北京服務之暇涉獵內典民國八年毅然辭職披緇離俗遍參知識乃於南京支那內院研習法相屢更寒暑略窺半豹嗣以最勝因緣又得受學密教於日本權田大僧正之門而紹傳法灌頂大阿闍梨之位遂與同學王弘願居士同組震旦密教重興會於廣州潮汕之間又隨大僧正傳法香港壇事畢後僧正返國晏留港度夏港地信徒乞晏建壇傳密購地興工議將有

成。而川省縉紳、聯名敦促。函電相催。遂不得不徇故鄉父老之請。而辭粵回川矣。原夫川省近年佛化重光之業。始自佛源嵩源大覺三長老。講經結社。遐邇從風。法緣之盛。繼長增高。及曼殊昨夏回川。主持佛事。始就重慶佛社略演。唯識法相淨土諸要義。聽衆極多。繼復開壇傳密。法會亦盛。今春又赴成都佛社之迎。乃顯密并闡。約及半載。法會始畢。成渝兩處。一年之間。開壇九次。授徒五百餘衆。其間根鈍智劣者。雖不乏人。而研究有得。精進修持者。實占十之六七。外道懺悔棄邪入正者。又占十之七八。此不得謂非四川近年佛化進步之良好現象也。川省佛化機關。則有成都重慶兩佛學社。實軍政各界優秀分子。提倡組合。而爲冠絕各地之最大法會。次則成都佛學院。爲舊式叢林僧侶所創設。僅具粗形。未臻完美。次則重慶佛學院。新建堂宇。今已落成。擴充校舍。繼謀興工。先爲養成教材。計暫不開院。一俟同人之留學南京內院者。業成歸來。而始成立規模。宏遠寶事。求是之佛學院也。川省以前之舊式僧徒。囿於一隅。交通不便。智識未充。固無足諱。而今則有學識淵深。願力宏偉之大乘法子。頗不乏人。如能海大勇果瑤諸法師者。均由貴族正念出家。精進純潔。而堪負荷如來大法者。也能海果瑤二師。則於去冬結伴五六人。裏糧入藏。冒百險以求法。大勇阿闍梨。曾畢業於日本高野大學。并參豐山新義。而與曼殊同一師門。歸國。

而後創佛教藏文學院於京都。今夏則攜學者廿七人由川入藏。而效玄奘之偉業。道經重慶。各界請求敷演密乘。開壇數次。授徒不下六七百衆。是諸師者皆與曼殊同一行藏。同一志願。而彼則爲留學西藏十餘年之預誓者也。蓋川省爲天然之密敎道場。欲興已絕之密乘。非從事結集。重開譯場不爲功。而結集之勝業。又非搜羅日本西藏蒙古所有密敎經像法物。壇儀軌則。彙考而抉擇之。不能集密敎之大成。况南京支那內院留學人才。川人實居多數。是則西竺那爛陀寺之學理。固以南京內院爲嫡派。而性相密三大宗之傳薪。又將以川省爲續述無替含弘光大之場所也。雖然。川省自政變後。十餘年來。內爭不息。民窮財困。達於極點。佛法一事。建設經濟。未嘗不難。而能於萬難險阻之間。植立正因。模範已具。倘得稍事休養。數載之內。佛化發展。詎可限量。如是則今後中國川省佛法之樂觀。而可爲本會同仁報告者一也。

次則中國南北各省之佛化普及也。北省以京畿爲中樞。如蒙古西藏之密敎。流衍千餘載。以佛教爲國教。其隆盛普及固不待言。而內地佛法之隆替。已詳前論。茲不重贅。即如北京一隅。自滿清末年。佛法僅存形勢。而精神早亡矣。其復活之點。猶憶民國元二年間。曼殊隨同志諸人之後。就廣濟寺設念佛會及佛法利生會。爲居士修習佛乘之所。時有川人張克成居士。講唯識學於